

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dan. Stalii Regulae Philosophicae explicatae & Orationes aliquot

Stahl, Daniel

Jenae, 1662

Regula XI. Differentia non reciprocatur cum eo, cujus est differentia

urn:nbn:de:bsz:31-102400

mal dividitur in id, quod pedes habet, & quod iis caret, in plumatum & implume. Oportet autem differentiis negativis sapè nos uti propterea, quod specificæ & veræ differentiæ latent. Fit & interdum, ut vox aliqua privativa sit, quæ tamen utamur ad significandum quid positivum: ut patet de *irrationali*; per quod dividitur animal.

REGULA XI.

Differentia non reciprocatur cum eò, cuius est differentia. Porphyrius Cap. XIII.

Uaggg. S. 4.

I. Regulâ X. diximus, differentiam esse & generis & speciei differentiam. Intelligitur hoc dictum Porphyrii de differentiâ respectu generis, quod scilicet dividit, hoc sensu: *cum genere non reciprocatur differentia*: est enim differentia dividens genus angustior genere, sicut rationale est quid angustius, quàm animal.

II. Quod differentiam attinet respectu speciei, sic dupliciter consideratur: Vel enim comparatur cum specie, quam immediatè constituit, & cuius respectu dicitur specificæ; & hæc ratione reciprocatur cum specie: ut disgregativum visus cum albô. Vel, nisi sit differentia speciei specialissimæ propria, (nam differentia propria speciei specialissimæ

ma

ma solum constituit speciem aliquam immediate, quoniam species specialissima infra se aliam speciem non habet) comparatur cum aliqua specie, quam constituit mediate, & ejus respectu generica dicitur. Atque isto modo non recipitur eum specie, sed est quid latius: sicut sensitivum est differentia constitutiva hominis, quam constituit mediante animali, & latius patet, quam homo.

REGULA XII.

Generum diversorum, & non subalternativim positivorum, diversa sunt specie differentia: Eorum vero, quae subalternativim posita sunt, nihil prohibet, easdem esse differentias. Aristoteles in Antepred.

I. Sciendum, genera tribus modis posse dici diversa: I. ut nec unum sub altero, nec utrumque sub uno tertio collocetur. Talia sunt omnia genera diversorum predicamentorum, ut *substantia & quantitas, animal & scientia*, dicunturque non solum genera diversa, sed etiam genere diversa, ut notant *Commentarii in Log. Aristotelis sub nomine Coll. Connumbr. falso editi*. II. Ut, licet unum sub altero